

Á Mesa do Parlamento

O **Grupo Parlamentario Popular de Galicia**, a través do seu **Portavoz**, ao abeiro do disposto no Regulamento da Cámara e de acordo coas previsións establecidas pola Mesa do Parlamento para o "Debate anual sobre política xeral: Comparecencia do Sr. presidente da Xunta de Galicia para informar e debater respecto da situación política da comunidade autónoma de Galicia (doc. núm. 21623, 11/DEBA000001)", presenta as seguintes **Propostas de Resolución**:

Santiago de Compostela, 14 de outubro de 2021



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 1

“O Parlamento de Galicia manifesta o seu apoio ao Xacobeo 2021-2022 como evento sen precedentes que suporá o inicio dunha década Xacobeá de grande transcendencia para a recuperación económica e emocional da Galicia postcovid-19 e insta á Xunta de Galicia a seguir promovendo a súa excelencia, mantendo unha atención constante á seguridade dos peregrinos, á sinalización das rutas, á creación de zonas de repouso, á dixitalización e eficiencia enerxética dos establecementos hostaleiros, á súa promoción nacional e internacional e á optimización da experiencia do peregrino mediante actuacións de mellora da accesibilidade e facendo o Camiño máis amigable para as familias e para os ciclistas. Co obxectivo de acadar de maneira íntegra estas metas, ademais de actuar no ámbito das súas competencias, a Xunta de Galicia solicitará do Goberno central unha maior implicación tanto a nivel orzamentario como de planificación entorno ao evento, incidindo na elaboración dun Plan de mellora do Camiño que complete as actuacións autonómicas, na eliminación de puntos negros da ruta que se sitúan na rede de estradas do Estado, na imprescindible dotación do 100% dos seus efectivos á Unidade de Policía Adscrita á comunidade autónoma, na creación dun punto de atención da Policía Nacional para peregrinos no Monte do Gozo, na programación conxunta comprometida no Real Padroado da Cidade de Santiago, na consideración especial a Galicia como destino do Camiño na distribución dos fondos de sustentabilidade do Plan Nacional Xacobeo, na garantía ao peregrino dun nivel equiparable de servizos de acceso a Internet ao longo de todo o percorrido, na realización dun maior esforzo na promoción internacional do Xacobeo e na ampliación das desgravacións fiscais relativas ao evento ata o 31 de decembro de 2023.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 2

“O Parlamento de Galicia insta á Xunta de Galicia a presentar as conclusións dos traballos de auditoría de delimitación de competencias entre a administración autonómica e os concellos co fin de contribuír á mellora do sistema de financiamento local, tal e como se acordou na reunión da Comisión Galega de Cooperación Local do 19 de febreiro de 2021”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 3

“O Parlamento de Galicia insta á Xunta de Galicia a que no marco da próxima reunión da Comisión Bilateral de Cooperación demande ao Goberno central a axilización da transferencia de competencias prioritarias para Galicia de conformidade coas previsións contidas na Constitución e o Estatuto, en particular a transferencia da titularidade da AP-9, da xestión do dominio marítimo público terrestre e da xestión do Ingreso Mínimo Vital.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 4

“O Parlamento de Galicia insta á Xunta de Galicia a demandar do Goberno central o establecemento dun sistema de cogobernanza real dos fondos europeos que garanta a participación efectiva das comunidades autónomas na xestión dos recursos que reciba das institucións comunitarias, tal e como esixe a Unión Europea.

Neste contexto, debe completar e concretar canto antes o reparto destes fondos de conformidade con criterios transparentes e equitativos que impulsen a cohesión social e territorial, así como axilizar a súa tramitación, contemplando no sistema de información do Mecanismo de Recuperación e Resiliencia todas as actuacións que se van levar a cabo na comunidade galega tanto por parte da Administración Xeral do Estado como polas corporacións locais.

Tamén debe integrar ás comunidades autónomas na definición e nas decisións que se tomen sobre os proxectos estratéxicos para a recuperación e transformación económica (PERTES), moi especialmente naqueles relativos aos sectores de automoción, cadea agroalimentaria, medicina personalizada, aeroespacial e naval, nos que Galicia ten unha posición de liderado.

Así pois, debe reconsiderar a súa posición sobre o proxecto AutoAncora promovido por Stellantis, Ceaga e Ctag para seguir sendo competitiva e un referente en innovación, que debe formar parte do reparto final que realice o Goberno de España dos fondos europeos e, polo tanto, ser un elemento diferencial no PERTE de vehículo eléctrico e conectado”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 5

“O Parlamento de Galicia insta á Xunta de Galicia a demandar do resto das administracións públicas, nomeadamente ao Goberno Central, a sinatura dun Pacto de Estado por Ferrol que dea unha resposta conxunta aos problemas das comarcas de Ferrolterra, Eume e Ortegal, protexendo o emprego e o tecido industrial a través da modernización e mellora competitiva dos sectores tradicionais, así como da diversificación cara a sectores con gran potencial de futuro. Do mesmo xeito, demandar do Goberno galego a creación da delegación territorial da Xunta de Galicia en Ferrol, que contribúa a cumprir os compromisos da súa competencia recollidos en dito Pacto de Estado. Neste sentido, resulta urxente que o Goberno central cree unha Zona Franca en Ferrol”.

Parlamento de Galicia. Rúa Hórreo, 63 | 15701 Santiago de Compostela | Tel. 981 551 510

gp-pp@parlamentodegalicia.gal

 [@gppgalicia](https://www.facebook.com/gppgalicia)

 [@GrupoPopularGal](https://twitter.com/GrupoPopularGal)



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 6

“O Parlamento de Galicia insta á Xunta de Galicia a demandar ao Goberno Central que impulse unha transición ecolóxica e enerxética realmente xusta e ordenada, facilitando unha adaptación progresiva da industria ás tendencias que marcarán a devandita transformación, velando polo mantemento do emprego e garantindo un futuro para a cidadanía dos territorios máis afectados polo cambio de modelo produtivo, como é o caso de Alu Ibérica na Coruña, Ence en Pontevedra ou Endesa en As Pontes.

Neste sentido, cómpre impulsar as alternativas necesarias para garantir un prezo eléctrico competitivo e estable para a industria, especialmente para a industria electrointensiva; así como levar a cabo a intervención temporal por parte da SEPI da planta de Alcoa en San Cibrao coa fin de facilitar a súa posterior venda a un inversor privado que garanta un proxecto industrial viable”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 7

“O Parlamento de Galicia insta á Xunta de Galicia a dar prioridade ao proceso de deseño da primeira fábrica de fibras téxtiles en España por ser unha iniciativa prioritaria, tanto desde o punto de vista económico e laboral, como desde o punto de vista estratéxico, xa que permitiría pechar o ciclo de produción de madeira en Galicia, así como que estude a posibilidade do seu emprazamento na provincia de Lugo, a través da súa representación na Sociedade Impulsa”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 8

“O Parlamento de Galicia insta á Xunta de Galicia a demandar do Goberno de España medidas urxentes para rebaixar o prezo da factura eléctrica, cuxa escalada nos últimos meses afectou tanto ás familias galegas como a todo o noso tecido empresarial. Con este obxectivo suxírese a adopción das seguintes medidas: facer permanente a rebaixa do IVE da electricidade do 21 ao 10%; suprimir definitivamente o tipo de gravame do Imposto sobre o Valor da Producción de Enerxía Eléctrica do 7%; modificar a Lei 24/2013, do Sector Eléctrico para que, entre outros aspectos, determinados custos regulatorios que se trasladan á factura eléctrica (débeda do sistema eléctrico e custos extrapeninsulares) sexan financiados integramente con cargo aos Orzamentos Xerais do Estado; ampliar o dereito de poder acollerse ao Prezo Voluntario do Pequeno Consumidor (PVPC) ata potencias que sexan iguais ou inferiores a 15 KW para o consumidor doméstico, co fin de facilitar o acceso ao Bono Social Eléctrico; desvincular a tarifa regulada da volatilidade do mercado ao por maior da electricidade, tal e como se está aplicando noutros países europeos; impulsar o descenso da factura eléctrica a través da revisión dos tramos horarios; conceder máis máis peso específico ao termo de enerxía que o de potencia co obxectivo de impulsar a eficiencia enerxética e o autoconsumo eléctrico; simplificar a factura eléctrica para facilitar a súa comprensión e posta en marcha de inmediato unha campaña de información ás persoas consumidoras que explique de forma sinxela e comprensible a nova tarifa eléctrica, facilite a toma de decisión e permita un consumo máis eficiente; e por ultimo, diversificar o parque de xeración eléctrica para evitar a elevada dependencia do gas natural, introducindo entre outras medidas o almacenamento enerxético para a xestión de fontes renovables”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 9

“O Parlamento de Galicia insta á Xunta de Galicia a adoptar as medidas necesarias para impulsar a carreira investigadora co obxectivo de que todas as persoas investigadoras do ámbito público en Galicia dispoñan dun marco común, que lles garante maior profesionalización e maior estabilidade”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 10

“O Parlamento de Galicia insta á Xunta de Galicia a que, seguindo a liña emprendida en anteriores lexislaturas de redución da carga fiscal soportada polos galegos, que tivo como finalidade favorecer ás rendas medias e baixas e apoiar a sectores estratéxicos da economía de Galicia, inclúa unha nova rebaixa dos impostos no proxecto de Orzamentos para 2022 que permita que Galicia siga entre as comunidades autónomas coa menor presión fiscal”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 11

“O Parlamento de Galicia insta á Xunta de Galicia a reclamar ao Goberno Central a eliminación das taxas de reposición na convocatoria de ofertas de emprego público para favorecer a estabilidade do emprego público”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 12

“O Parlamento de Galicia insta á Xunta de Galicia a demandar do Goberno de España que, no marco das súas competencias, poña en marcha un plan global para loitar contra a exclusión financeira da poboación, nomeadamente no ámbito rural, que reforce e complemente as medidas xa implantadas en Galicia en virtude do convenio asinado entre a Xunta de Galicia e a Fegamp”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 13

“O Parlamento de Galicia insta á Xunta de Galicia a que no proceso de revisión do sistema de financiamento autonómico, defenda a postura fixada polos acordos acadados neste Parlamento, e que manifieste o seu rexeitamento explícito a calquera intento de substituír o diálogo multilateral entre o Goberno da España e o conxunto dos Gobernos Autonómicos, por fórmulas de negociación bilateral. Así mesmo, que demande ao Goberno Central que este proceso se desenvolva con base nun calendario pechado e perseguindo, ademais da cohesión territorial e o respecto a autonomía fiscal das comunidades autónomas, dous obxectivos básicos:

-Asignar uns recursos suficientes ás comunidades autónomas de réxime xeral en función do volume de gasto efectivamente realizado respecto ao gasto total das administracións públicas.

-Determinar as necesidades de financiamento en base a unha variable que reflicta os factores de custe peculiares de cada comunidade autónoma (en especial a idade e o asentamento disperso da poboación), e garantir un financiamento igual por habitante axustado en función dos anteriores factores con independencia de onde residan”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 14

“O Parlamento de Galicia insta á Xunta de Galicia a impulsar e abrir novos obxectivos na súa política de vivenda comprometéndose a ampliar progresivamente o peso do parque de vivenda pública, mediante a promoción de vivendas novas ou rehabilitadas respectando sempre os estándares de eficiencia enerxética e de accesibilidade universal, introducindo, ademais novas técnicas construtivas como o ‘cohousing’ e materiais sostibles, co obxecto de incrementar o parque de vivenda accesible actual a cinco anos vista. E así mesmo, continuar traballando para favorecer o acceso dos galegos e galegas á vivenda, defendendo as características de Galicia e esixindo ao Goberno central que se dea audiencia ás comunidades na elaboración da futura lei de vivenda estatal, respectando o réxime competencial nesta materia, e que se aproveite a redacción do novo texto para introducir as medidas legislativas necesarias para endurecer as penas por ocupación de vivenda e para axilizar a recuperación do inmovible por parte dos seus propietarios”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 15

“O Parlamento de Galicia insta á Xunta de Galicia a traballar para a posta en marcha, no menor prazo posible, da Área de Transporte de Galicia, que permita avanzar nun modelo único de mobilidade interurbana con tarifas igualitarias para os usuarios do transporte público de competencia autonómica universalizando, como vén de facer coa gratuidade para os menores de 21 anos de toda Galicia coa tarxeta Xente Nova, tamén os descontos para as familias numerosas, de tal xeito que as rebaixas de entre o 20 e o 50% que se veñen aplicando nas áreas de transporte metropolitano se estendan a todas as liñas de transporte público da Xunta de Galicia. Tamén, a dirixirse aos concellos para instarlles a aplicar as mesmas medidas nos seus servizos de autobús urbano”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 16

“O Parlamento de Galicia insta á Xunta de Galicia a demandar do Goberno de España a materialización do compromiso asumido cos galegos da chegada do AVE neste mesmo outono, dotando a liña de trens AVRIL que permitan tempos de viaxe competitivos; así como os investimentos necesarios para a modernización da rede ferroviaria da Comunidade, para estender os beneficios da alta velocidade a Lugo, a Vigo e a Ferrol, e para lograr que a inclusión do noroeste peninsular no Corredor Atlántico se traduza na modernización real e efectiva da rede ferroviaria de mercadorías, co impulso de actuacións estratéxicas como a Saída Sur de Vigo e a liña de alta velocidade con Portugal, a conexión ferroviaria do porto exterior da Coruña ou a terminal ferroviaria de Bouzas, en Vigo”.



O Grupo Parlamentario Popular de Galicia, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 17

PXE INFRAESTRUTURAS

“O Parlamento de Galicia insta á Xunta de Galicia a demandar do Goberno de España que impulse a aprobación duns Orzamentos Xerais do Estado para 2022 que teñan en conta as necesidades históricas da nosa Comunidade Autónoma en materia de infraestruturas. Deben dotarse as partidas necesarias para: desbloquear o avance das autovías estatais de vertebración de Galicia; estender as bonificacións da AP-9 á autoestrada estatal de conexión Santiago-Ourense, a AP-53.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 18

“O Parlamento de Galicia insta á Xunta de Galicia a seguir impulsando, de xeito participativo con Concellos e Deputacións Provinciais, un novo modelo para apoiar aos municipios que voluntariamente o soliciten nas súas responsabilidades en relación co ciclo integral da auga, proporcionando medios técnicos e financeiros para unha xestión profesionalizada destes servizos, fomentando a igualdade de custos en todo o territorio e procurando a máxima eficiencia nos investimentos”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 19

“O Parlamento de Galicia insta á Xunta de Galicia a velar pola defensa da lingua galega ao amparo do marco legal e da convivencia lingüística; ao tempo que seguirá a impulsar a dinamización do galego no tecido socioeconómico, na mocidade e nas familias; a desenvolver un modelo plurilingüe no ensino e implicar aos formadores para prestar unha especial atención á situación da lingua nas contornas urbanas; e que reforce o uso do galego no audiovisual e, a través do Proxecto Nós, aproveite a tecnoloxía lingüística e a intelixencia artificial para asegurar novos usos da lingua propia de Galicia nos espazos dixitais e na internet”.



o **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 20

“O Parlamento de Galicia insta á Xunta de Galicia a impulsar a dixitalización e a innovación da cultura galega, a apoiar as industrias culturais e aos creadores con liñas de apoio específicas, a reforzar a función social da cultura e a promover novos formatos e propostas empregando todas as ferramentas dispoñibles, entre elas, a Cidade da Cultura, como factoría de contidos culturais con difusión dentro e fóra de Galicia; e o Hub Audiovisual, chamado a ser un polo xerador de sinerxías profesionais e empresariais entre os sectores culturais, con especial atención á captación de rodaxes e á produción de videoxogos”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 21

“O Parlamento de Galicia insta á Xunta de Galicia a apoiar ás universidades públicas galegas cun financiamento estable para o período 2022-2026 e a propiciar a coordinación dun Sistema Universitario Galego (SUG) moderno e innovador, con titulacións diversificadas que cubran ás necesidades de novos perfís profesionais, e a desenvolver unha investigación universitaria orientada a áreas estratéxicas para Galicia.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 22

“O Parlamento de Galicia insta á Xunta de Galicia a asegurar un ensino galego de calidade e integrador que propicie a aprendizaxe integral en centros educativos convertidos en espazos sustentables, seguros e creativos nos que estudantes e docentes poidan realizar unha actividade formativa moderna, dixital e innovadora a través de programas e iniciativas que reforcen a adquisición de competencias de coñecementos sobre STEAM e intelixencia artificial, idiomas e atención á diversidade; ao tempo que se fomenta convivencia e igualdade nas aulas e se reforza o modelo da FP en Galicia fomentando a innovación tecnolóxica e pedagóxica destas ensinanzas, unha oferta de ciclos atractiva e a mellora da orientación dos perfís profesionais, co reto de que haxa unha maior relación entre cos centros e as empresas que contribúa a unha axeitada inserción laboral”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 23

“O Parlamento de Galicia insta á Xunta de Galicia a deseñar e articular a Axenda Galega de Capacidades e Necesidades Laborais coa colaboración de todos os axentes sociais, unha proposta detallada das cualificacións profesionais que serán necesarias para facer fronte aos empregos do futuro, xunto coa elaboración dos módulos formativos necesarios, co obxectivo de mellorar a capacitación dos traballadores ocupados e a empregabilidade das persoas desempregadas; ofrecendo así mesmo modalidades formativas accesibles e flexibles para toda a poboación.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 24

“O Parlamento de Galicia insta á Xunta de Galicia, no eido da política social e con respecto ao Pacto de Estado contra a violencia de xénero, a adotar as seguintes medidas: asegurar a accesibilidade e garantir os recursos necesarios destinados á denuncia e atención ás mulleres con discapacidade en situación de violencia de xénero, tendo en conta que o Parlamento Europeo indica que o 80 % das mulleres con discapacidade vive nunha situación de violencia e que estas teñen un risco catro veces maior que o resto de mulleres de sufrir violencia sexual; así como a mellorar as medidas de detección e control por parte dos servizos sociais e sanitarios, tendo en conta a maior vulnerabilidade das mulleres con discapacidade á hora de identificar e afrontar diferentes situacións de violencia, ao tempo que se asegure a asistencia axeitada para cada caso e o acompañamento permanente á muller con discapacidade durante todo o proceso subseguinte á interposición dunha denuncia por violencia de xénero”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 25

“O Parlamento de Galicia insta á Xunta de Galicia, no eido da promoción da igualdade entre mulleres e homes, a adoitar as seguintes medidas: promover melloras significativas en materia de igualdade laboral co fin de garantir condicións laborais máis flexibles e compatibles coa vida persoal e de acadar ao mesmo tempo maiores índices de benestar laboral e social, nomeadamente mediante actividades formativas e campañas de sensibilización efectivas e accesibles a toda a poboación, nas que se aborden temas como a elaboración e aplicación de plans de igualdade nas empresas, a identificación e protocolo de actuación ante casos de acoso laboral ou a promoción da conciliación e a corresponsabilidade nas tarefas do fogar e no coidado de menores e/ou familiares con algún grao de dependencia ao cargo”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 26

“O Parlamento de Galicia insta á Xunta de Galicia a aplicar as conclusións das Comisións de traballo constituídas no marco do Consello Técnico de Atención Primaria, especialmente no relativo á autonomía dos centros, o liderado dos profesionais, a multidisciplinabilidade, a redistribución de funcións e o traballo comunitario, particularmente iniciando a elaboración dun novo decreto de ordenación da atención primaria que reforce as funcións de organización do persoal que ocupa as xefaturas de servizo e os postos de coordinación e tomando as medidas para abordar o problema de déficit de especialistas coa presentación dun mínimo de 50 solicitudes de acreditación de novas unidades docentes da especialidade de medicina familiar e comunitaria no prazo actualmente aberto polo Ministerio, ao tempo que reiterando ao Goberno de España a demanda da habilitación extraordinaria de máis prazas MIR, xa sexa dotando á convocatoria ordinaria de mais prazas ou cunha convocatoria extraordinaria”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 27

“O Parlamento de Galicia insta á Xunta de Galicia a ampliar as actuacións de mellora das infraestruturas sanitarias, avanzando en todos os proxectos de reforma hospitalaria, incidindo de xeito particular en reforzar a capacidade dos sete hospitais comarcais galegos abordando, ao longo do vindeiro ano, actuacións de mellora en todos eles; así como presentando antes de rematar o ano un Plan de Infraestruturas Sanitarias de Atención Primaria que priorice as actuacións máis necesarias para permitir unha renovación e mellora das infraestruturas deste nivel asistencial, así como unha adaptación dos espazos ás necesidades reais dos centros”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 28

“O Parlamento de Galicia insta á Xunta de Galicia a avanzar na capacidade innovadora da sanidade pública galega creando unha unidade de referencia en protonterapia para Galicia e o Norte de Portugal que permita desenvolver esta técnica de precisión que posibilita abordar tumores complexos ou promovendo o uso do *big data* e da intelixencia artificial no eido sanitario para mellorar o tratamento dos pacientes, creando unha infraestrutura para que toda a información sanitaria, axeitadamente anonimizada, poida ser accesible de xeito seguro por parte dos investigadores e dos profesionais de cara a traballar en rede e levar a cabo tratamentos individualizados ou cribados”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 29

“O Parlamento de Galicia insta á Xunta de Galicia a seguir avanzando nas medidas de conciliación e apoio ás familias, no marco da Lei de impulso demográfico, e a reclamar do Goberno de España que contribúa no financiamento da gratuidade total da educación infantil de 0 a 3 anos en Galicia, que se porá en marcha a partir do vindeiro curso.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº30

“O Parlamento de Galicia insta á Xunta de Galicia a dar os pasos precisos para a implantación progresiva do novo modelo de coidados nas residencias de maiores da comunidade, comezando polos centros públicos, e a reclamar do Goberno de España o cofinanciamento preciso para que estas melloras da atención cheguen coa maior axilidade a todos os centros”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 31

“O Parlamento de Galicia insta á Xunta de Galicia a tomar as medidas necesarias para garantir o máximo compromiso de todas as administracións coa Lei de Dependencia: consensuando coas entidades locais unha reforma do Servizo de Axuda no Fogar que siga mellorando o seu alcance, calidade e condicións laborais e blinde a súa sustentabilidade e reclamando ao Goberno central que incremente a súa participación nos fondos destinados ás persoas dependentes ata chegar á contorna do 50%”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 32

“O Parlamento de Galicia insta á Xunta de Galicia a que apoie ás explotacións adheridas á marca *Leite de pastoreo de Galicia* mediante o financiamento de sistemas homologados de certificación do pastoreo, co fin de orientar a transformación do sector ao pastoreo e dar máis viabilidade económica ao agro galego, así como a que aplique as accións da Estratexia do Sector Lácteo buscando dar resposta ás necesidades dos gandeiros e industrias e fixar obxectivos e retos de futuro aprofundando na transparencia e no bo funcionamento da cadea de valor do leite e reforzando a un sector tan importante do agro galego pola vía do recoñecemento das súas peculiaridades na PAC 2023-2027 que se está a negociar actualmente”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 33

“O Parlamento de Galicia insta á Xunta de Galicia á posta en marcha de polígonos agroforestais para favorecer a implantación de novas iniciativas produtivas agrarias ou a ampliación da base territorial das xa existentes, así como a implantación de plans de dinamización para as aldeas modelo, poñéndoos en marcha nos núcleos rurais destas e orientándoos a rexenerar e xerar actividade económica e a conservar o patrimonio do rural galego. E, así mesmo, a aplicar as medidas do Plan Forestal de Galicia recentemente aprobado, garantindo a sustentabilidade do monte galego, favorecendo a multifuncionalidade e a diversificación de usos e asegurando así a xestión forestal activa das masas de frondosas autóctonas, así como desenvolver medidas específicas de cara ao souto e a produción de castañas e impulsar unha relación de accións para o fomento e xestión das masas de coníferas e un control para o cumprimento da moratoria sobre novas plantacións de eucalipto”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 34

“O Parlamento de Galicia insta á Xunta de Galicia a deseñar e poñer en marcha unha Estratexia Galega para a Economía Azul, de xeito que cubra aos sectores e industrias que están directamente apoiados no medio mariño ou costeiro, en liña coa decisión da Unión Europea e centrada na base das actividades marítimo-pesqueiras tradicionais, tendo como elemento clave a coordinación e compatibilidade con outras actividades e o equilibrio e sustentabilidade en termos ambientais, sociais e económicos”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 35

“O Parlamento de Galicia insta á Xunta de Galicia a definir unha proposta e liderar a revisión e reforma da Política Común de Pesca, sinalando que un deseño adecuado da nova PPC ten que ser unha solución europea e europeísta que reforce a cohesión social e económica e que reforce a Unión. Esta proposta de reforma debe abordar, desde a cogobernanza co sector, os retos actuais para alcanzar unha pesca sostible, equitativa e próspera para o futuro, sendo o maior reto garantir que o sector pesqueiro europeo poida traballar en igualdade de condicións, xa que é unha industria enormemente globalizada, e afianzar o carácter social desta actividade, acadando un axeitado relevo xeracional”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 36

“O Parlamento de Galicia insta á Xunta de Galicia a impulsar a Estratexia Galicia Dixital 2030 poñendo en marcha as actuacións para impulsar a capacitación dixital da cidadanía, establecendo mecanismos que faciliten a súa formación en competencias básicas con especial fincapé na fenda de xénero, a creación dun Centro de Ciberseguridade traballando en estreita colaboración coas entidades competentes no ámbito estatal e europeo, e a construción dun *Data Center* de alta dispoñibilidade que reforce os mecanismos de seguridade, dispoñibilidade e custodia dos datos nun contexto de impulso definitivo á dixitalización do sector público. Tamén, dirixirse ao Goberno de España para que concrete e priorice a execución das actuacións enmarcadas dentro do Programa Único, para a mellora da cobertura de redes de fibra óptica na nosa comunidade ao obxecto de acadar os novos obxectivos 2025 fixados por Europa, así como as medidas contempladas na Estratexia de Impulso da Tecnoloxía 5G que permitan incentivar o despregamento desta tecnoloxía no rural galego, así como en aquelas infraestruturas, polos industriais e de coñecemento estratéxicos da comunidade autónoma ”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 37

“O Parlamento de Galicia insta á Xunta de Galicia a continuar colaborando co Goberno de España no proceso de exhumación de vítimas da Guerra Civil e represión franquista iniciado en Galicia no presente ano; a demandar á Administración Xeral que realice as actuacións pertinentes para reclamar a propiedade dos bens con valor cultural vinculados ao sitio histórico que na actualidade permanecen en Meirás e cuxa propiedade non está sendo reclamada polo Estado; así como a consensuar e coordinar coa Administración Xeral e coas distintas administracións locais as actuacións encamiñadas a procurar a recuperación —para o patrimonio público— dos bens con valor cultural vinculados ás torres de Meirás, da Casa Cornide, das Estatuas de Abrahan e Isaac incorporados irregularmente ao patrimonio do ditador Francisco Franco, continuando a senda de colaboración institucional que posibilitou a recuperación para o dominio público do Pazo de Meirás, cuxa xestión debe cederse no prazo mais breve á Xunta de Galicia, como lexítima representante do autogoberno galego, en cumprimento do acordo adoptado polo Parlamento de Galicia”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 38

“O Parlamento de Galicia insta a Xunta de Galicia para que, como complemento ao novo impulso das políticas de fomento do retorno que se implementarán na nova estratexia para o ano 2022, solicite ao Goberno de España que tome as medidas necesarias para favorecer a integración persoal e familiar das persoas retornadas, levando a cabo o desenvolvemento e modificación da normativa estatal que afecta ao proceso de retorno, o que permitirá garantir este dereito aos españois no exterior e os seus descendentes, enriquecendo a nosa sociedade e facéndoa máis aberta, plural e competitiva, adoptando en particular, as seguintes accións: Introducir plans estatais específicos de acceso á vivenda; axilizar o procedemento de homologación de títulos universitarios obtidos no exterior; reducir os trámites e axilizar as concesión de permisos de residencia e traballo dos cónxuxes e descendentes sen nacionalidade; eliminar as desigualdades coas que a lexislación fiscal estatal grava aos emigrantes e aos retornados, así como mellorar a información e os criterios de aplicación da AEAT e dotar do financiamento axeitado ás comunidades autónomas para que poidan mellorar as medidas que teñan en marcha e que complementan a escasa labor do Goberno de España”.



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 39

“Co gallo do 40ª aniversario do Estatuto de Autonomía de Galicia, o Parlamento de Galicia reconece os logros acadados nestas décadas, que permitiron alcanzar as maiores cotas de autogoberno e o maior desenvolvemento social, económico e político da nosa historia común. Neste senso, o Parlamento de Galicia ratifica o seu compromiso cos valores democráticos contidos no Estatuto de Autonomía e na Constitución así como co espírito de concordia que fixo posible a Transición.

Igualmente, esta Cámara renova a súa vontade de seguir afondando no desenvolvemento do autogoberno que nos corresponde como nacionalidade histórica, con lealdade á unidade da España da que formamos parte. En consonancia con esta convicción, rexeitamos as posicións independentistas e a súa defensa da autodeterminación xa que o futuro colectivo da Nación española corresponde a todos os españois.

Do mesmo xeito condenamos o uso da violencia como vehículo para alcanzar calquera obxectivo político, así como todos aqueles pronunciamentos que desde os ámbitos institucionais, políticos ou sociais intenten lexitimala.”



O **Grupo Parlamentario Popular de Galicia**, a través do seu Portavoz, ao abeiro do disposto no Regulamento da Cámara, presenta a seguinte **Proposta de Resolución**, para o “Debate anual de política xeral”

Proposta de Resolución nº 40

“O Parlamento de Galicia insta á Xunta de Galicia a reclamar ao Goberno central que os Orzamentos Xerais do Estado de 2022 manteñan e adapten o Fondo COVID para que as comunidades autónomas sigamos dispoñendo dos recursos extraordinarios precisos para financiar os gastos derivados da pandemia aínda non finalizada así como os investimentos necesarios para aplicar as leccións extraídas da súa xestión”.



Asinado dixitalmente por:

Pedro Puy Fraga na data 14/10/2021 10:25:07

